

唐

音

統

籤

甲籤五之一

唐音統籤卷四

玄宗諱隆基睿宗子性英斷多藝知音律善八分

書開元勵精求治海內殷盛天寶以侈召亂幸蜀

還京後稱太上皇居西內崩在位四十七年謚明

皇帝詩二卷

唐志云卷亡宋志一卷玉海中興書目詩五十七首徐獻忠曰玄宗內

君臣悅豫餞別臨游動杆文藻詞人競進六藝爭
長固已陵跨建安之迹泳貞觀之餘波王世貞
曰明皇藻艷不過文皇而骨氣勝之語象則春來
津樹合月落戍樓空語境則馬色分朝景鷄聲逐
曉風語氣圓翠屏千仞合丹嶂五丁開語致則豈
不惜賢遣其如高尚心雖許燕
許草創沈濛潤色亦不過此

五言古詩

過晉陽宮

緬想封唐處寔惟建國初
俯察伊晉野仰觀乃參
虛井邑龍斯躍城池鳳翔餘
林塘猶沛澤臺榭宛
舊居運華祚中否時遷命
茲符顧循承丕構怵惕
多憂虞尚恐威不逮復慮
化未孚豈徒勞轍跡所
期訓戎車習俗問黎人
親巡慰里閭永言念成功
頌德臨康衢長懷經綸日
嘆息履庭隅艱難安可
忘欲去良踟蹰

行次成臯途經先聖擒建德之所緬思功業

感而賦詩

有隋政昏虐羣雄已交爭先聖按劍起叱咤風雲
生飲馬河洛竭作氣嵩華驚克敵睿圖就擒俘帝
道亨傾慙嗣寶曆恭承天下平幸過剪鯨地感慕
神且英

校獵義成喜逢大雪率題九韻以示羣官

弧矢威天下旌旗遊近縣一面施鳥羅三驅教人
戰暮雲成積雪曉色開行殿皓然原隰同不覺林
野變北風勇士馬東日華組練觸地銀塵出連山
縞鹿見月兔落高矰星狼下急箭旣欣盈尺兆復
憶礮谿便歲豐將遇賢俱荷皇天眷

温湯對雪

北風吹同雲同雲飛白雪白雪乍迴散同雲何慘
烈未見温泉水寧知火井滅表瑞良在茲庶幾可
怡悅

登蒲州逍遙樓

長榆息烽火高柳靜風塵卜征巡九洛展豫出三
秦昔是潜龍地今為上理辰時平乘道泰聊賞遇
年春黃河分地絡一作脉飛觀接天津一覽遺芳翰
千載肅如神

經河上公廟

昔聞有耆叟河上獨遺榮跡與塵囂隔心將道德
并詎以天地累寧爲寵辱驚矯然翔寥廓如何屈
墜貞玄玄妙門啓肅肅祠宇清冥漠無先後那能
紀姓名

過王濬墓

吳國分牛斗晉室命龍驤受任敵已滅策勲名不
彰若美未盡善矜功徒自傷長戟今何在孤墳此
路傍不觀松柏茂空餘荆棘場嘆嗟懸劍壠誰識
夢刀祥

賜諸州刺史以題座右

開元十六年帝自擇
廷臣爲諸州刺史許

景先 魏州源光裕 鄭州寇泚 宋州鄭溫 琦

邠州袁仁恭 杭州崔志廉 襄州李昇 期那

州鄭放 定州蔣挺 湖州裴觀 滄洲崔誠 遂

州凡十一人 詔宰相諸王御史以上 祖道

洛濱盛供其奏 太常樂帛舫水嬉 親書

詩賜之 令題座右 且給筆紙 令自賦焉

眷言思共理 鑑鑒

一作

想維良猗 歎此推擇聲

一作

績著周行 賢能既俟 進黎獻實 佇康視人 當如

子愛人 亦如傷 講學試誦論 阡陌勸耕桑 虛譽不

可飾 清知不可忘 求名迹易見 安貞德自彰 訟獄

必以情 教民貴有常 恤憫且存老 撫弱復綏 強勉

哉 各祗命 知予眷萬方

送忠州太守康昭遠等

端拱臨中樞緬懷共予理不有臺閣英孰振循良
美分符侯甸內拜手明庭裏誓節期飲永調人方
導水嘉聲馳九牧惠化光千祀時雨侔昔賢芳猷
貫前史佇爾頌中和吾將令卿士

送李邕之任滑臺

漢家重東郡宛彼白馬津
黎庶既蕃殖臨之勞近
臣遠別初首路今行方
及春課成應第一良牧爾
當仁

七言古詩

春臺望

西京記西京禁苑有望春宮在高原之上東臨灞澗今上曾登此亭賦春

臺詠朝士奉和凡數百人
太宗親製春臺望四章二十八句起居舍人蔡孚奏曰伏見所製氣雄詞美德音相屬鄙炎漢之奢侈徇有唐之儉陋知作勞而居逸念中人之家產用心如此天下斯安臣職在司言請宣示百寮及編國史

暇景屬三春高臺聊四望
 日極千里際山川一何壯
 太華見重巖終南分疊嶂
 郊原紛綺錯參差多異狀
 佳氣滿通溝遲步入綺樓
 初鸞一一鳴紅樹歸鴈雙雙去
 綠洲太液池中下黃鶴昆明水上映
 牽牛聞道漢家全盛日別館離宮趣非一
 甘泉逶迤亘明光五柞連延接未央
 周廬徼道縱橫轉飛閣迴軒左右長
 須念作勞居者逸勿言我後焉能

恤爲想雄豪壯栢梁何如儉陋卑茅室陽烏黯黯
向山沈夕鳥喧喧入上林薄暮賞餘回步輦還念
中人罷百金

初入秦川路逢寒食

洛陽芳樹映天津灞岸垂楊宰地新直爲經過行
處樂不知虛度兩京春去年餘閏今春早曙色和
風著花草可憐寒食與清明光輝無在長安道自
從關路入秦川爭道何人不戲鞭空手道中妨蹴
踘佳人馬上廢鞦韆渭水長橋今欲渡葱葱漸見
新豐樹遠看驪岫入雲霄預想湯池起煙霧煙霧

氛氲水殿開暫拂香輪歸去來今歲清明行已晚
明年寒食更相陪

五言律詩

千秋節賜羣臣鏡

本紀上以八月五日生百官表請以是日為千秋節

王公已下獻鏡及承露囊
天下讌樂三日編為令

鑄得千秋鏡光生百鍊金分將賜羣后遇象見清
心臺上水華澈窗中月影臨更銜長綬帶留意感
人深

軒遊宮十五夜

行邁離秦國巡方赴洛師路逢三五夜春色暗中

期關外長河轉宮中淑氣遲歌鍾對明月不減舊
遊時

旋師喜捷

邊服胡塵起長安漢將飛龍蛇開陣法貔虎振軍
威詐虜腦塗地征夫血染衣今朝書奏入明日凱
歌歸

觀拔河俗戲

并序

俗傳此戲必致年豐
故命北軍以求歲稔

壯徒恒質勇拔拒抵長河欲練英雄志觀明勝負
多譟齊山岌樂氣作水騰波預期年歲稔先此樂

時和

同劉冕喜雨

節變寒初盡時和氣已春繁雲先合寸膏雨自依
旬颯颯飛平野霏霏靜暗塵懸知花葉意朝夕望

中新

過大哥宅探得歌字韻

寧王憲帝長兄本傳云憲第勝業坊典慶

宮側帝友慶時就幸賦詩燕嬉賜金帛伯歡

管衛情先重親賢凌轉多冕旒豐暇日乘景暫經
過戚里申高宴平臺奏雅歌復尋爲善樂方驗保

山河

同王真公主過大哥山池

公主帝之妹捨家爲道士居外觀

地有招賢處人傳樂善名
鷺池臨九達龍岫對層
城桂月先秋冷蘋風向晚清
鳳樓遙可見彷彿玉
簫聲

途次陝州

境出三秦外途分二陝
中山川入虞虢風俗限西
東樹古棠陰在耕餘讓
畔空鳴笳從此去行見洛
陽宮

幸蜀西至劍門

劍閣橫雲峻鑿輿出狩迴
翠屏千仞合丹嶂五丁

開灌木縈旗轉仙雲拂馬來乘時方在德嗟爾勒

銘才

唐詩紀事云此詩至德二年普安郡守賈深勒石

惟此溫泉是稱愈疾豈余獨受其福思與兆人共之乘暇巡遊乃言其志

桂殿與山連蘭湯湧自然陰崖含秀色溫谷吐潺湲績爲蠲邪著功因養正宣願言將億兆同此共昌延

野次喜雪

拂曙闢行宮寒臯野望通繁雲低遠岫飛雪舞長空賦象恒依物縈廻屢逐風爲知勒恤意先此示

年豐

經魯祭孔子而嘆之

本紀開元十三年帝封禪泰山還幸孔子宅親

設祭奠

夫子何為者栖栖一代中地猶鄒氏邑宅即魯王
宮歎鳳嗟身否傷麟怨道窮今看兩楹奠當與夢
時同

過老子廟

仙居懷聖德靈廟肅神心草合人蹤斷塵濃鳥跡
深流沙丹竈沒關路紫煙沉獨傷千載後空餘松
栢林

賜道士鄧紫陽

太乙三門訣元君六甲符下傳金版術上刻玉清
書有美探真士囊中得祕書自知一作三黜後翊

我滅殘胡

送賀知章歸四明 并序

天寶三年太子賓客賀知章鑿足之分抗歸
老之疏解組辭榮志期入道朕以其年在遲暮
用循挂冠之事俾遂赤松之遊正月五日將歸
會稽遂餞東路乃命六卿庶尹大夫供帳青門
寵行邁也豈惟崇德尚齒亦勵俗勸
人無令二疏獨光漢冊乃賦詩贈行

遺榮期人道辭老竟抽簪豈不惜賢達其如高尚
心寰中得祕要方外散幽襟獨有青門餞羣僚悵

別深

答司馬承禎上劔鏡

含象劔鏡圖云承禎上鏡三圖及景震劔二具

帝勅答云得所進明照寶劔等合兩曜之

暉稟八卦之象足使光延仁壽彰滅豐城

佩服多懸式題四韻按此圖宋景德中

吳及所上載有此詩聲調殊不類帝所作

并後三詩亦出道藏中

多不可信姑附諸卷末

寶照含天地神劔合陰陽日月麗光景星斗裁文

章寫鑑表容質佩服為身防從茲一賞翫永德保

齡長

送趙法師還蜀因名山奠簡

紀事云法師觀宇在今蜀州新

津縣

道家奠靈簡自昔仰神仙真子今將命蒼生福可
傳江山尋故國城郭信依然二室遙相望雲迴洞
裏天

送道士薛季昌還山

洞府修真客衡陽念舊居將成金闕要願奉玉清
書雲路三天近松溪萬籟虛猶期傳秘訣來往候
仙輿

送玄同真人李抱朴謁瀟山仙祠

記

見唐大理
司

城闕天中近蓬瀛海上遙歸期千載鶴春至一來

朝采藥逢三秀餐霞臥九霄
叅同如有旨金鼎待君燒

甲籤五玄宗之二六同

唐音統籤卷五

五言排律

千秋節宴并序

令節奉開情兼感慶
率題八韻以示羣臣

蘭殿千秋節一作萬壽觴風傳率土慶

日表繼天祥玉宇開花萼宮一作縣動會昌衣冠

白鷺下帝幕翠雲長獻遺成新俗朝儀入舊章月

銜花綬鏡露綬絲絲囊處處祠田祖年年宴杖鄉

深思一德事小獲萬人康開元十八年禮部奏請
秋社會並就千秋節

賽白帝報田祖然後
坐飲散之故詩云云

春中興慶宮醮宴

并序

四六

夫抱器懷才含仁蓄德可以坐而論道者我於是乎闢重門以納之作扞四方折衝萬里可運籌帷幄者我於是乎懸重祿以待之是故外無金革之虞朝有縉紳之盛所以嚴廊多暇垂拱無爲不言而海外知歸不教而寰中自肅元首之道其在茲乎况乎天地交而萬物通陰陽和而四時序所寶者粟所貴者賢故以宵旰爲懷黎元在念盡力溝洫不知宮室之已卑致敬鬼神不知飲食之斯薄往以仲冬建子南至初陽爰詔司存式陳郊祀挹夷夏之誠請答人神之厚瞻煙歸太乙禮備上玄足以申昭報之情足以極嚴禋之道然心融萬類歸雷雨之先春慶洽百僚象雲天而高宴歲二月地三秦水泚泚而龍池滿日遲遲而鳳樓曙青門左右軒庭映梅柳之春紫陌東西亦幕動煙霞之色撞鐘伐鼓雲起雪飛歌一聲而酒一杯舞一曲而人一樂詩以言志思吟湛露之篇樂以忘憂懸運臨汾之筆

九達長安道三陽別館春還將聽朝暇迴作豫遊
晨不戰要荒服無刑禮樂新合醑覃土宇歡宴接
羣臣王學飛千日瓊筵薦八珍舞衣雲曳影歌扇
月開輪伐鼓魚龍雜撞鐘角觶陳曲終酣興晚須
有醉歸人

春晚宴兩相及禮官麗正殿學士探得風字

并序

朕以薄德祗膺歷數正天柱之將傾初地維之
已絕故得承奉宗廟垂拱巖廊居海內之尊處
域中之大然後祖述堯典憲章禹績敦睦九族
會同四海猶恐烝黎未乂徭戍未安禮樂之政
虧師儒之道喪乃命使者衣繡服行郡縣因人
所利擇其可勞所以便億兆也乃命將士擐介

胃礪矢石審山川之向背應歲月之孤虛所以
 靜邊陲也乃命禮官考制度稽典則序文昭武
 穆享天地神祇所以申嚴潔也乃命學者繕落
 簡緝遺編纂魯壁之文章綴秦坑之煨燼所以
 修文教也故能使流寓返扮榆之業戎狄稱藩
 屏之臣神祇歆其禋祀庠序闡其經術既家
 合時巡兩京函秦則委輸斯遠鼎邑則朝宗所
 利封畿四塞從來測景之都城闕于門自昔交
 風之地陰陽代謝日月相推豈可使春色虛捐
 韶華並歇乃置旨酒命英賢有文苑之高才有
 掖垣之良佐舉杯稱慶何樂如之同吟湛露之
 篇宜振凌雲之藻于時歲在乙丑間元十三年
 三月二
 十七日

乾道運無窮恒將人代工陰陽調曆象禮樂報玄
 穹介冑清荒外衣冠佐域中言談延國輔詞賦引
 文雄野躋伊川綠郊明鞏樹紅冕旒多暇景詩酒

會春風

首夏花萼樓觀羣臣宴寧王山亭廻樓下又

申之以賞樂賦詩 并序

萬物莫不氣兆乎上而形視乎下鐵石異品雲
 蒸並濕草木無心春來成喜故聖人弘道先王
 法天酒星王獻酬之義需卦陣飲食之象近命
 羣臣欣時樂宴盡九春之麗景匝三旬之暇日
 暢飲桂山棹歌泌水醇以養德味以平心本將
 導達陽和助成長育亦朝廷多慶軍國餘閒者
 也前月之晦細風飄雨繁絃中止列席半醉佳
 辰易失絕典難追良可惋也今年帶閏節候全
 晚暑氣猶清芳草未歇申布雅意復敘初筵披
 樂善之邸坐忘憂之觀東郊跬步南山在目足
 以締夏首之新賞補春餘之墜歡朕登覽上宮
 俯臨長陌暢衆心之怡虞懽歸騎之逶迤鼓之
 以琴瑟侑之以篴篥備樽意洽揚藿思苗賦我
 有嘉賓之詩奏君臣相悅之樂踟躕西日吟翫

乘風不知衷情
發於翰墨也

今年通閏月入夏展春輝樓下風光晚城隅宴賞
歸九歌揚政要六舞散朝衣天喜時相合人和事
不違禮中推意厚樂處感心微別賞陽臺樂前旬
暮雨飛

端午三殿宴羣臣探得神字

并序

律中蕤賓獻酬之象著火在盛德文明之義輝
故以式宴陳詩上和下暢者也朕宵衣旰食輯
聲教於萬方上戰行師總兵鈴於四海勤貪日
給憂志心勞聞蟬聲而悟物變見槿花而驚候
改所賴濟濟朝廷視成鶴鷺桓桓邊塞責辦熊
羆喜麥秋之有登玩梅夏之無事時雨近霽西
郊霏靡而一色炎雲作峯南山差峩而異勢正
當召儒雅宴高明廣駿肅而清氣生列樹深而

長風至野人嘗散熱之饌酒正行逃暑之飲飽
捐惡鳥狙獻肥龜新筒裏練香蘆角黍恭儉之
儀有序慈惠之意溥洽諷味黃老致息心於真
妙抑揚游夏滌煩想於詩書超然玄覽自足爲
樂何止栢枕桃門驗方術於經記絲花命縷觀
問遺於風俗感婆娑於季女憫枯槁之忠臣而
已哉嘆節氣之循環美君臣之相樂凡百在會
咸可賦詩五言紀其日端七韻成其火數豈獨
漢武之廢盛朝士之連章魏
文之臺壯辭人之並作云爾

五月符天數五音調夏釣舊來傳五日無事不稱
神穴枕通靈氣長絲續命人四時花競巧九子粽
爭新方殿臨華節圓宮宴雅臣進對一言重道文
六義陳股肱良足詠風化可還淳

端午宴羣臣武成殿

開元十五年

端午臨中夏時清日復長鹽梅已佐鼎麴蘖且傳觴事古人留迹年深縷績長當軒知權茂向水覺蘆香億兆同歸壽羣公共保昌忠貞如不替貽厥後昆芳

同二相已下羣官樂遊園宴

二相張說宋璟也

撰日巖廊暇需雲宴樂初萬方朝玉帛千品會簪裾地入南山近城分北斗餘池塘垂柳密原野雜花疎帟幕看逾暗歌鍾聽自虛興闌歸騎轉還奏彌違書

遊興慶宮作

并序

暇日與兄弟同遊興慶宮登勤政務本及華萼
相輝之樓所以觀風俗而勸人崇友于而致睦
詩以言志歌以永言
情發於衷率題此什

代邸青門右離宮紫陌墜庭如過沛日水若渡江
時綺觀連雞岫朱樓接鴈池從來敦棣萼今此茂
荆枝萬葉傳餘慶千年志不移凭軒聊屬目輕輦
共追隨務本方崇訓相輝保羽儀時康俗易漸德
薄政難施鼓吹迎飛蓋絃歌送羽卮所希覃率土
季第一同規

平胡 并序

夫為不度竊我荒服命備師之符翦彼應期而
咸殄一麾克定告捷相仍爰作是詩聊以言志

雜虜忽猖狂無何敢亂常羽書朝繼入烽火夜相
望將出凶門勇兵因死地強蒙輪皆突騎按劍盡
鷹揚鼓角雄山野龍蛇入戰場流膏潤沙漠濺血
染鋒鏑霧掃清玄塞雲開靜朔方武功今已立文
德愧前王

喜雪

日觀卜先征時巡順物情風行未尙禮雲密遽飄
霏委樹寒花發縈空落絮輕朝如玉已會庭似月
猶明旣覩膚先合還欣尺有盈登封何以報因此
謝功成

早度蒲關

王荆公百家選以此篇為開卷第一 朱子云有帝王氣談

鐘鼓嚴更曙山河野望通鳴鑾下蒲坂飛旆入秦
中地險關逾壯天平鎮尚雄春來津樹合月落戍
樓空馬色分朝景雞聲逐曉風所希常道泰非復

候繻同

方采山云曙朝曉三字犯重

途經華嶽

訪駕去京邑鳴鸞指洛川循

一作脩

途經太華廻蹕

暫周旋翠嶠留斜影懸巖冒

一作凝

夕煙四方皆石

壁五位配金天彷彿看高掌依稀聽子先終當銘

歲月從此記靈仙

南出雀鼠谷答張說

紀事云帝登封泰山南出雀鼠谷張說獻詩帝

答之仍命羣臣應制

雷出應

一作應

乾象風行順國人川途猶在晉車馬

漸歸秦背陝關山險橫汾鼓吹頻

一作震

草依陽谷

變花待北巖春間有鷓鴣客清詞雅調新求音思
欲報心跡竟難陳

早登太行山中言志

清蹕度河陽凝笳上太行火龍明鳥道鐵騎繞羊
腸白霧埋陰壑丹霞助曉光澗泉含宿凍山木帶
餘霜野老茅爲屋樵人薜作裳宣風問耆艾敦俗

勸耕桑涼德慙先哲徽猷慕昔皇不因今展義何
以冒垂堂

巡省途次上黨舊宮賦

并序

朕昔在初九佐貳此州未遇共搃之力空俟海
沂之詞洎大橫入兆出處斯易一揮寶劍遽履
瑤圖承歷數而順謳謠着天衣而御區夏嗟乎
向時沈默駕四馬而朝京師今日道遙乘六龍
而問風俗爰因巡省途次舊居山川宛然人事
無間忽其鼎革周遊館宇觸目依然雖迹異漢
皇而地如豐邑擊筑憐憫酌
臣留連空想大風題茲短什

三千初擊浪九萬欲搏空天地猶驚否陰陽始遇
蒙存貞期歷試佐貳佇昭融多謝時康理良慙寶
劍功長懷問鼎氣夙負拔山雄不學劉琨舞先歌

漢祖風英髦既包括豪傑自牢籠人事一朝異謳
歌四海同如何昔朱邸今此作離宮鴈沼澄瀾翠
猿巖落照紅小山餘桂馥長坂舊蘭叢卽是淹留
處乘歡樂未窮

幸鳳泉湯

在岐州
郿縣

西狩觀周俗南山歷漢宮薦鮮知路近省歛覺年
豐陰谷含神爨湯泉養聖功益齡仙井合愈疾醴
源通不重鳴岐鳳誰矜陳寶雄願將無限澤霑沐
衆心同

左丞相說右丞相璟太子少傅乾曜同日上

官命宴東

一作

堂賜詩

勅蘇晉

惟聖寶賢以齊皇極存若左丞相燕國公右丞
 相廣平公太子少傅安陽侯皆生人頌德皇國
 元老道著廊廟績宣華戎由是懋其成功錫以
 元圭咨日于朔擇時于秋俾對命王庭受職公
 府見羣屬揖庶寮禮官辨章掌舍陳次瞽工備
 樂伯饗獻蒸六卿拜下以成儀三事自天而來
 負秩秩寶筵暉暉旅醜玉緯貞文南風和雅頌
 之奏金縢降醴雲天光飶酌之宜宰德貴和盡
 莊敬具瞻之範羣情尚洽預周旋宴語之歡方
 將一心天工戮力帝載寢黑山之拆包青海之
 戈雲雨賢才水火菽粟日詠魚藻歲陳由庚願
 殷趙之年留魯陽之景爰命在宴乃賡載歌

赤帝收三傑黃軒舉二臣由來丞相重分掌國之
 鈞我有握中璧雙飛席上珍子房推道要仲子訝
 風神復輟台衡老將為調護人鷓鸞同拜日車騎

擁行塵樂聚南宮宴觴連北斗醇俾余成百揆垂

拱問彛倫

集賢書院成送張說上集賢學士賜宴得珍

字

時分韻同賦者源乾曜裴漼蘇頌韋抗程行誾李嵩蕭嵩李元紘徐堅褚琇賀知章

陸堅劉昇王翰趙冬曦韋述勅中書舍人張九齡為序

集賢殿者本集仙殿也上不以惟睿作聖而猶垂意好學用相必本於經術圖王亦始於師臣及乎鴻生碩儒博聞多識之士自開元肇建以迄于今大用徵集煥乎廣內而聽政餘暇式讌在茲忠臣嘉賓得盡心之所聽明文思有光被之德故下以道親上亦懼甚即於御座爰發德音以為候彼神人專雖千載傳於方士言固不經遂改仙為賢去華務實且有後命增其學秩是以集賢之廷更為論思之室矣中書令燕國公外弼庶績以奉沃心之謀內講六經以成潤

色之業故得出入華殿師長翰林惟帝用臧固
天所賴拜命之日荷寵有加降聖酒之罍下御
厨之膳食以樂侑人思德飽時則有侍中安陽
公等承恩預焉學士右散騎常侍東海公等攝
職在焉或禹稷大賢泉雲諸彥文王多士周室
以寧武帝得人漢家爲盛而高視前古獨不在
於今乎成可賦
詩以光鴻烈

廣學開書院崇儒引席珍集賢招袞職論道命台
臣禮樂沿今古文章革舊新獻酬樽俎列賓主位
班陳節變雲初夏時移氣尚春所希光史冊千載

仰茲晨

附御製諸學士贊 張說德重和鼎功踰濟川

詞林秀逸翰苑光鮮 徐堅校天文祿論經上

庠華詞苑麗雄辨抑揚 賀知章禮樂之司文

章之苑學優藝博才高思遠 趙冬曦白簡端

嚴青史良直清詞雅韻博賢強識 康子元才
 識清遠言談幽秘四科文學六書仁義 侯行
 果洪鍾佇叩明鏡不疲理窮繫象動中威儀
 韋述職參山甫業纂玄成六藝述作四始飛英
 敬會真名乃會真迹惟契道樞衣講習臨筵
 振藻 趙玄默才比丘明學兼儒墨敘述微婉
 講論道德 東方顯地遊天祿門嗣滑稽三冬
 足用六藝斯齊 李子釗于木流慶指樹貽芳
 諷諫遺闕啓發篇章 呂向族茂非熊才步班
 馬考校篇籍抑揚風雅 毋照軒轅之任諫諍
 之職聞詩問禮有才有識 陸去泰才光於晉
 價重於張州縣斯屈文翰尤長 咸廩業郁郁
 高文英英博識持我刑憲是稱諒直 余欽文
 章兩瞻才術兼美思在專經學通舊史 孫季
 良蓬山之秀芸閣之英雄詞卓傑雅思縱橫
 集賢記注云上以五彩賡八分書之分賜尋勅
 寫真貯舍
 象亭焉

賜崔日知往潞州

潞國開新府壺關寵舊林妙旌循吏德持悅庶氓
心禮樂中朝貴神明列郡欽揚風非贈扇易俗是
張琴藩鎮謳謠滿行宮雨露深會書丞相策先賜

頽川金

送張說巡邊

時宰臣以下源乾曜張嘉貞宋璟盧從愿許景先韓休徐知仁

崔禹錫王翰蘇晉王光庭袁暉席豫張九

齡徐堅崔日用崔泰之胡皓王丘賀知章

等並命賦和

林鬲曾為序

王者大司馬制軍詰禁封國正朔惠綏蠻貊刑
齊猶夏其義尚矣天子道穆三象功清六合截
海來威窮荒揆教將以靜流服度蕃畿削揮凌
暴昭蘇寡苦乃命元宰兵部尚書燕公專節朔
方授律羣帥涉河之外距關之西公皆統之重
分闡也公智以閱物精以造微文為一變之英

武有萬人敵歷揆尹庶王猷載寧三宅台衡
帝采惟亮雖坐堂足以制勝而勤國忘其定居
闡茂次年仲臯貞閏拜手東洛馳輶北關脩官
而行成旅以從是日也景風司至星火殷宵伯
趙鳴而戒陰爽鳩習而揚武禮可以昇高遠望
詩可以出宿餞行有詔具寮爰開祖宴且申後
命寵以繁錫天章賦別御札題牋副衣勉挾續
之誠兼壺喻授醪之旨筐篚以將其既筆硯以
表其文前載忝書今策斯覩侍中安陽公以仁
體國中書令河東公以德熙朝奕贊功成許謨
景服恭采薇之恩典悵伐木之明思詢彼甸師
卜茲郊候鼎門右轉岐路傍分當關塞之斷山
接華林之高樹幕人宿設重帟雲平大官饗舉
百羞霞錯四夏六胤之變朱于皇羽之容雷殷
川原電燄林薄朝傾多士巷無居人接蓋陰衢
揚袂風野羽觴遮進列座酬而不諱清鏡間發
將士激而逾鴈視日知其吉氣吹律驗其商聲
則已景烈穹都風騰漢野西域輕郵支之使東
胡息冒頓之虞顧夫南仲于征吉甫薄伐不其
遠也若木還照前茅啓行聽闐闐之去鼓目悠

愆之轉旃歌事者每懷靡及念離者跋予望之
成志在心發言同唱天子有詔式敘清風請編
出車之什以
繼蒸人之雅

端拱復垂裳長懷御遠方股肱申教義戈劍靜要
荒命將綏邊服雄圖出廟堂三台入武帳八座起
文昌瑤胄匡韓王華宗輔漢王茂先慚博物平子
謝文章盡節恢時佐輸誠禦寇塲三軍臨朔野駟
馬卽戎行鼓吹威夷狄旌軒溢洛陽雲臺先著美
今日更貽芳

餞王駿巡邊

振武威荒服揚文肅遠墟金壇申將禮玉節授軍

符免胄三方外銜刀萬里餘昔時吳會靜今日虜
 庭虛分閫仍推轂援桴且訓車風揚旌旆遠雨洗
 甲兵初坐見台階謚行聞祆袪除檄來雖插羽箭
 去亦飛書舟楫功須著鹽梅望匪疎不應陳七德
 欲使化先敷

王屋山送道士司馬承禎還天台

紫府求賢士清谿祖逸人江湖與城闕異跡且殊
 倫聞有幽棲者居然厭俗塵林泉先得性芝一作松
 桂欲調神地道踰稽嶺天台接海濱一作音徽從
 此間萬古一芳春

為趙法師別造精院過院賦詩 并序

秋九月聽政觀風存乎遊息退朝之後歷西上陽入清虛院則法師所居之地也法師得玄元之法養浩然之氣故法此仙家特建真宇紫房對聳綠竹羅生既親重其人每經過其地以怡神洗雪進德修業何必齋心累月遠在順風因而賦詩用適其意云爾

宗師心物外為道運虛舟不戀巖泉賞來從宮禁
遊探玄知幾歲習靜更宜秋煙樹辨朝色風湍聞
夜流坐朝繁聽覽尋勝在清幽欲廣無為化因茲
展可求

七言律詩

春日出苑遊矚 太子時作

三陽麗景早芳辰
四序佳園物候新
梅花百樹障去路
垂柳千條暗回津
鳥飛直爲驚風葉
魚沒都由怯岸人
唯願聖主南山壽
何愁不賞萬年春

五言絕句

千秋節賜羣臣鏡

瑞露垂花綬
寒冰激寶輪
對茲臺上月
聊以慶佳辰

潼關口號

河曲迴千里
關門限二京
所嗟非恃德
設險到天平

續薛令之題壁

本事詩云開元中東宮官僚清淡薛令之題詩自悼有無

以謀朝夕何由保歲寒句上幸東宮覽之索筆題其傍云云令之遂謝病歸

啄木嘴距長鳳凰毛羽短若嫌松桂寒任逐桑榆

暖

送胡真師還西山

真仙通鑑

仙客厭人間孤雲比性閒話離情未已煙水萬重

山

七言絕句

過大哥山池題石壁

澄潭皎鏡日崔嵬萬壑千巖暗綠苔林亭自有幽

貞趣况復秋深爽氣來

題梅妃畫真

憶昔嬌妃在紫宸鉛華不御得天真霜綃雖似當時態爭奈嬌波不顧人

句

昔見漳濱臥言將人事違今逢慶誕日猶謂學仙

歸棠棣花重發鵠原鳥再飛

薛王疾瘳
牛日置酒

德比代雲布心如晉水清

餞裴寬為
太原尹

土象之輿地碑記載玄宗昭州丹霄驛詩驛前南
面架危橋久欲登臨畏路遙今日偶然尋得到直
後人妄託附記

甲籤六

肅宗諱亨玄宗子聰明彊記屬詞典麗在位七年

詩四篇

帝有守歲秋日重陽秋中夜月春日雨晴燕諸王數詩真蹟宣和御府收藏今無考

延英殿玉靈芝詩三章章四句

會要云上元二年七月甲

辰延英殿御座梁上生玉芝一莖三花上親製詩云

玉殿肅肅靈芝煌煌重英發秀連夜分房

紫微間采白薺呈色載啓瑞圖庶符皇極

放此靈質責其王猷神惟不愛永荷天休

賜梨李泌與諸王聯句

鄭侯外傳云肅宗嘗夜坐召穎信益三王

同就地爐食以泌多絕粒帝自燒二梨賜之穎王固求不與請三弟共乞下穎亦不

許別命他果賜之王曰先生恩渥如此固
等請聯句以爲他年故事 穎王名璩信

王名理益
王史失傳

先生年幾許顏色似童兒 穎王
夜抱九仙骨朝披

一品衣 信王
不食千鍾粟唯餐兩顆梨 益王
天生

此間氣助我化無爲 帝

甲籤七

唐音統籤卷六

德宗諱适代宗子善為文尤長於篇什每與學士

言詩于浴堂殿夜分不寐三令節御製詩勅羣臣

賡和品第優劣激賞在位二十五年集卷亡今存

詩十五篇

帝每有御製即命朝臣畢和嘗以中和節詩賜戴叔倫九日菊花歌賜韋綬愛

盧綸李益詩嘗垂問其何在又內庭有宋若昭姊

妹五人亦時應制呼之為學士每臣下奉和御製

退必笑曰排公俗有投石之戲兩頭置標號曰排

公以中不中為勝負也且淮南所進崔叔靖詩為

惡詩時遂號為佳物惡詩又嘗微行遇舉子宋濟

問濟今上好作詩何如濟對曰聖意不測謂麻大

相率不惟也國方貢藝者多親自考試或有乘謬

無不服上薄鑿云 史臣云帝天才秀茂文思靡

之書文雅中興夔高前代二南三祖豈盛於茲
紀事云帝章敬寺詩松院靜苔色竹房深磬聲時
人傳

誦

元日退朝觀軍仗歸營 貞元九年

獻歲視元朔萬方咸在庭端旒揖羣后迴輦閱師
貞綵仗宿華殿退朝歸禁營分行左右出轉旆風
雲生歷歷趨複道容容映層城勇餘矜捷技令肅
無喧聲眷此戎旅節載嘉良工誠順時傾宴賞亦
以助文經

中和節賜羣臣宴賦七韻 唐書貞元五年德宗以前世上巳九

日皆大宴集而寒食多與上巳同時欲以
二月名節李泌請廢正月晦以二月朔為

中和節乃著令與上巳九日為三令節中外皆賜緡緡錢燕會此詩六年宴曲江亭賦

東風變梅柳萬彙生春光中和紀月令方與天地
長耽樂豈予尚懿茲時景良庶遂亭育恩同致寰
海康君臣永終始交泰符陰陽曲沼水新碧華林
桃稍芳勝賞信多歡戒之在無荒

中和節宴麟德殿觀新樂詩

唐會要貞元十四年德宗以中

和節有製中和舞舞中成八

并序

朕聞天地之德莫大於和萬物以生九功乃敘
是以中泰之首紀為令節布陽和之政暢序育
之功式宴且觀順時而舉蓋取象於交泰之義
也今歲華載陽嘉雪呈慶君臣同樂實獲我心
近以德政之餘參比首律播於絲竹韻以歌詩
象中和之容作中和之樂教習甫就畢陳于茲

於是闕廣庭臨內殿張大會示羣臣千載成文
威儀有序禮情懽浹中心是嘉上下之志通乾
坤之理得善固未盡和莫
甚焉聊復成篇以言其志

芳歲肇佳節物華當仲春乾坤既昭泰煙景含氤
氲德淺荷玄貺樂成恩洽人前庭列鐘鼎廣殿延
羣臣八卦隨舞意五音轉曲新領非咸池奏庶協
南風薰式宴禮所重浹歡情必均同和諒在茲萬
國希可親

中和節宴百寮賜詩六韻

本紀書中和節賦六韻詩止貞元之

十七年今詩六韻者未
其二疑史闕書其一

韶華啓仲序初吉諧良辰肇茲中和節式慶天地

春歡酣朝野同生德區宇均雲開灑膏露草疏芳
河津歲華方載陽東作方肆勤慙非薰風唱曷用
慰吾人

中和節賜百官讌集因示所懷六韻

至化恒在宥保和茲息人推誠撫諸夏與物長爲
春仲月風景暖禁城花柳新芳時協金奏錫燕周
羣臣絲竹豈云樂忠賢唯所親庶洽朝野意曠然
天下均

三日書懷因示百寮

本紀貞元六年三月上巳百僚宴曲江亭上賦

上巳詩一篇賜之此詩是也

佳節上元已芳時屬暮春流觴想蘭亭捧劍傳金
人風輕水初綠日晴花更新天文信昭回皇道頗
敷陳恭已每從儉清心常保真戒茲遊衍樂書以
示羣臣

七月十五日題章敬寺

本紀貞元七年七月
癸酉上幸章敬寺賦

詩九韻皇太子羣
臣畢和題之寺壁

招提邇皇邑複道連重城法筵會早秋駕言訪禪
倚背聞大仙教清淨宗無生七物匪吾寶萬行先
求成名相既雙寂繁華奚所榮金風扇微涼遠煙
凝翠晶松院靜苔色竹房深磬聲境幽真慮恬道

勝外物輕意適本非說舍毫空復情

重陽日賜宴曲江亭賦六韻詩用清字

并序

朕在位僅將十載實賴忠賢左右克致小康是以擇三令節錫茲宴賞俾大夫卿士得同歡洽也夫共其戚者同其休有其初者貴其終咨爾羣寮願朕不暇樂而能節職思其憂戚若時則庶乎理矣因重陽之會聊示所懷

早衣對庭燎躬化勤意誠時此萬機暇適與佳節
并曲池潔寒流芳菊舒金英乾坤爽氣澄臺殿秋

光清朝野慶年豐高會多歡聲永懷無荒誠良士

同斯情因詔曰卿等重陽會宴朕想歡洽欣慰良多情發于中因製詩序令賜卿等一本可

中書門下簡定文詞士三五十人應制同用清字明日內於延英門進來宰臣李泌等雖奉詔簡擇

難於取捨由是百寮皆和上自考其詩以劉太真及李紆等四人爲上等鮑防于邵等四人爲次等張濛服亮等二十三人爲下等而李晟馬燧李泌三宰相之詩不加考第時貞元四年也

重陽日卽事用同字

史載貞元四年十年十一年十三年十八年重

陽日帝並賜宴賦詩四年詩見前十一年十八年並賦六韻詩今存詩三首不能明

爲何年

令節曉澄霽四郊煙靄空天清白露潔菊散黃金
叢寡德荷天旤順時休百工豈懷歌鐘樂思爲君
臣同至化在亭育相成資始終未知康衢詠所仰
惟年豐

重陽日中外同歡以詩言志因示羣臣用餘

字

爽節在重九物華新雨餘清秋黃葉下菊散金潭
初萬實行就稔百工欣所如歡心暢遐邇殊俗同
平書至化自敦睦佳辰宜宴胥鏘鏘間絲竹濟濟
羅簪裾此樂匪足耽此誠期永孚

豐年多慶九日示懷

爽氣肅時令早衣聞朔鴻重陽有佳節具物欣年
豐皎潔暮潭色芬敷新菊叢芳罇滿衢室繁吹凝
煙空惠合信吾道保和惟爾同推誠至玄化天下
期爲公

送徐州張建封還鎮

唐書貞元十三年冬建封入覲上禮遇加等建

封賦朝天行以獻明年春宴于曲江及還鎮特賜詩云云貞元後藩帥雖崇秩鴻勳入朝還鎮未有獲御製詩以送者獨建封蒙異眷焉

牧守寄所重才賢生為時宜風自淮甸投鉞膺藩
維入覲展遐戀臨軒慰來思忠誠在方寸感激陳
情詞報國爾所尚恤人予是資歡宴不盡懷車馬
當還期殺雨將應候行春猶未遲勿以千里遙而
云無已知

九月十八日賜百寮追賞因書所懷

雨霽霜氣肅天高雲日明繁林已墜葉寒菊仍舒

榮懿此秋節時更延追賞情池臺列廣宴絲竹傳
新聲至樂非外獎浹歡同中誠庶敦朝野意永使
風化清

麟德殿宴百僚

本紀貞元四年三月上巳宴羣臣麟德殿設九部樂內出

舞馬上賦詩一章令羣臣屬和

憂勤承聖緒開泰喜時康恭已臨羣后垂衣御八
荒務閒春向暮朝罷日猶長紫殿初筵列彤庭廣
樂張成功歸輔弼致理賴忠良共此歡娛事千秋
樂未央

九日

蘇苑秋來爽氣多
昆明風動起滄波
中流簫鼓誠
遊賞詎假橫汾發棹歌

甲籤八

同卷

唐音統籤卷七

文宗諱昂穆宗子在位十三年史稱其恭儉儒雅

好為詩今存七篇

紀事云帝好製五言古調清峻昔與宰相論詩之工拙鄭覃曰

詩之工者無若三百篇皆國人所作之詩華而不實無王者采之以觀風俗後代辭人之詩華而不實無

補於事上甚重其言又嘗欲置詩博士李珣奏今翰林學士皆能文詞且古今篇什足可怡悅聖情

乃止帝嘗吟杜甫曲江篇有江頭宮殿鎖千門之句思復昇平故事乃淘昆明曲江二池造紫雲

樓彩霞亭按樂內庭識太常卿馮定親誦定送客

詩名升殿賜禁中瑞錦詔悉所著以上甘露

元輿之命嘆息泣下常衣嘗謂宰相周墀周報漢

暮春喜雨詩

開成元年三月幸龍首池觀內人賽雨賦

卷七

一

四六六

風雲喜際會雷雨遂流滋薦幣虛陳禮動天實精
 思漸浸九夏節復在三春時霖霖垂朱闕飄飄入
 綠帷郊坰既沾足黍稷有豐期百辟同憂樂萬方
 佇雍熙

題程修已竹障

修已冀州人學周昉畫嘗畫竹障於文思殿帝賜歌云云

當時朝士皆奉詔繼和見朱景玄名畫錄

良工運精思巧極似有神臨牕忽覩繁陰合再盼

真假殊未分

後二句一作臨牕時乍觀繁陰合再明

宮中題

太和九年李訓鄭注敗後仇士良愈專恣上登臨遊幸未嘗為樂或瞠目

獨語左右莫敢進問因賦此詩

輦路生秋草上林花滿枝憑高何限意無復侍臣知

賜裴度詩

裴度拜中書令以疾未任朝謝上已

度詩云云仍賜御札曰朕詩集中欲得見

來御札及門而度薨

注想待元老識君恨不早我家柱石衰憂來學丘

壽

上元日二首

上元高會集羣仙心齋何事欲祈年丹誠儻徹玉帝座且共吾人慶大田

冀生三五葉初齊上元羽客出桃蹊不愛仙家餐
真訣願蒙四海福黔黎

夏日與柳公權聯句

人皆苦炎熱我愛夏日長帝薰風自南來殿閣生

微涼

公權 時于袁五學士皆屬和帝獨諷公權
兩句辭清意足不可多得仍令公權題之殿

壁字方圓五寸嘆曰鍾王復生無以加矣 東坡
云楚襄登臺有風颯然而至王曰快哉此風寡人
與眾共者耶宋王識之曰此獨大王之風庶人安
得而共之蓋諷也 支宗詩云云而公權續之乃爾
惜乎宋王不在旁耳 周密云柳句正所以諷也
薰風之來惟殿閣穆清高爽之地始知其涼而征
人掛叟方奔馳作勞低垂汗於黃塵赤日中雖
有此風安知所謂涼哉正與宋王庶人安得而共

同意當

善會之

甲籤九

宣宗諱忱憲宗子嗜讀書每曲宴與學士倡和公

卿出鎮多賦詩餞行恭儉好善勤採納時以大中

之政有貞觀風焉詩五篇盧氏雜說云帝留心貢

論觀選士之得失對朝臣必問及第與所試詩賦

題與主司姓目苟有科名對者必大喜或佳人物

獨不中第必嘆息移時嘗於內自題鄉貢進士李

道龍云裴廷裕東觀奏記云上賦詩多令翰林

學士屬和一日賜寓直學士蕭寘和寘手狀謝曰

陛下此詩雖桂水日千里因之平生懷亦無以加

相詞宋沈約詩也上不悅曰將

人臣此我得不屈之為觀察使

百丈山庚溪詩話帝為光王時為武宗所忌

多悔迹為方外遊至百丈山作詩云

大雄真跡枕危巒梵宇層樓聳萬般日月每從肩

上過山河長在掌中看仙峰不間三春秀靈境何
時六月寒更有上方人罕到暮鐘朝磬碧雲端

弔白居易

事見居
易本傳

綴玉聯珠六十年誰教冥路作詩仙浮雲不繫名
居易造化無爲字樂天童子解吟長恨曲胡兒能
唱琵琶篇文章已滿行人耳一度思卿一愴然

重陽錫宴羣臣

時收復
河湟

欵塞旋征騎和戎委廟賢傾心方倚注叶力共安
邊

題涇縣水西寺

一作題嘉
興水西寺

大殿連雲接賞

一作

谿鐘聲還與鼓聲齊長安若

問江南事說道風光在水西

瀑布聯句

詩史云帝遊方外至黃蘗與黃蘗禪師同觀瀑布聯句 佛祖統紀

云帝至靈山與香嚴閑禪師詠時黃蘗在

海昌詩史誤 庚溪詩話云帝之踐大位志先見于此然自帝後接懿信寓內遂不靖則作波濤一語亦識也

千巖萬壑不辭勞遠看方知出處高

黃蘗

溪澗豈

能留得任終歸大海作波濤

帝

句

海岳宴咸通

南部新書云宣皇製泰遼陞曲有此句後懿皇以咸通建號其先兆也

七載秉鈞調四序一方獄市獲來燕

本紀大中九年以門下侍

鄭崔鉉兼揚州大都督府長史充淮南節度帝宴餞賦詩賜之今僅存此

甲籤十

昭宗諱曄承廣明寇亂後國祚日衰為朱梁逼遷

洛都被弑無幾唐亡帝攻書好文遺詩隻韻其幽

辱中所製也綴卷末

岐下菩薩蠻二詞見辛籤詞曲內賜韓建歌辭賜朱全忠

詩及楊柳枝詞遷洛沿路思帝鄉詞並失傳

詠雷

紀事云天復元年帝為鳳翔兵劫幸岐城一日大雷雨牛馬震死街西古槐斃

東鳴吻立碎帝為詩云

只解劈牛兼劈樹不能誅惡復誅兇

紀事又云帝在洛日憂不

淵與皇后內人唯沉飲自寬嘗歌云絕千山頭凍殺雀何可飛去生處樂此是古語帝述之者附記

甲籤十一

韓王元嘉詩一首

高祖第十一子初封宋王貞觀中改封韓少好學聚書至萬卷

採碑文古跡多得異本閨門修整當時稱之後為定州刺史武后誅戮宗室元嘉與越王貞父子謀舉兵事未成被誅紀事云孟利貞嘗稱其文曰劉麟之周思茂不過也

奉和同太子監守違戀

乾象開層構離明啓少陽卜征從獻吉守器屬元
良遯矣凌周誦遙哉掩漢莊好士傾南洛多才盛
北場地分丹鷲嶺途間白雲鄉儲誠虔曉夕宸愛
積炎涼珠壁連霄漢萬物仰重光

甲籤十二

越王貞詩一首

貞太宗第八子少善騎射頗涉文史中宗廢居房陵與子冲連諸王

謀舉兵反正事敗飲藥死

奉和聖製過温湯

鳳輦騰宸駕驪籞次乾遊坎德疎温液山隈派暖流寒氛空外擁蒸氣沼中浮林凋帷影散雲歛葢陰收霜郊暢玄覽參差落景遒

甲籤十三

章懷太子詩一首

名賢字明允高宗第六子容止端雅誦古詩賦經覽不忘封禪

王徙沛後立為皇太子嘗招集學者張大安等注范曄後漢書則天以明崇儼之死疑出賢謀搆而

今自殺

黃臺瓜辭

初武后殺太子弘立賢爲太子後賢疑隙寢開知不能保全無由敢

言乃作是辭命樂工歌之冀后聞而感悟

種瓜黃臺下瓜熟子離離
一摘使瓜好再摘使瓜
稀三摘猶自可摘絕抱蔓歸